

Tajuk: Seminar Pentadbiran Tanah 2026 Perkukuh Pengurusan Strata Berkesan dan Mampan

Tarikh: 22 September 2026

Tempat: Hotel Tenera, Bangi

Ringkasan Program:

Timbalan Ketua Setiausaha (Sumber Asli), Kementerian Sumber Asli dan Kelestarian Alam (NRES), YBhg. Dato' Khalid bin Mohamed telah merasmikan Seminar Pentadbiran Tanah Tahun 2026: Cabaran Pembangunan dan Pengurusan Strata anjuran Institut Tanah dan Ukur Negara (INSTUN) melalui Bahagian Pengurusan dan Perundangan Tanah (BPPT) di Bangi, Selangor.

Mengangkat tema “Kelestarian Ilmu Pemacu Pembangunan Negara”, seminar ini menjadi platform perkongsian ilmu, pengalaman dan pandangan dalam menangani cabaran pembangunan serta pengurusan hartanah berstrata yang semakin kompleks, di samping meningkatkan kefahaman berkaitan peruntukan undang-undang dan tanggungjawab pihak berkepentingan.

Antara topik yang dibincangkan merangkumi Akta Perancangan Bandar: Implikasi Terhadap Pembangunan Strata Moden, Strata Masa Depan: Memacu Transformasi Bandar Melalui Akta 318 dan Pembangunan Berorientasikan Transit, Memperkasa Pengurusan JMB dan MC Melalui Pindaan Akta Pengurusan Strata 2013 (Akta 757) serta Bidang Kuasa Tribunal Pengurusan Strata.

Seminar ini menghimpunkan pegawai dan kakitangan Kerajaan, badan berkanun, pemain industri, pemaju hartanah, pengamal undang-undang, penilai hartanah, ahli akademik serta komuniti strata bagi memperkukuh perkongsian kepakaran dan kerjasama ke arah pentadbiran tanah serta pengurusan strata yang lebih cekap, telus dan mampan.





